

N. 3.

5. 5

◆

EMMANUELIS
LEONIS

DE
ERRORIBUS IN RE THEOLOGICA
MALE' POSTULATI
DEFENSIO.



MALACÆ.

Ex OFICINA D. FELICIS DE CASAS ET MARTINEZ.
ANNO DOMINI MDCCXC.

ERRATUM IN THE THEORETICAL

MATERIALS OF SOUTHERN

EDUCATION.



MURKIN

Ex-Oliver D. Morgan & Co., 100 Broadway,
New York.
1860.


D. PABLO DE ARROYO,
MARISCAL DE CAMPO DE LOS
REALES EXERCITOS, GOBERNADOR PO-
LITICO Y MILITAR DE ESTA CIUDAD
POR EL REY NUESTRO SEÑOR, QUE
DIOS GUARDE, &c.

HABIENDOSE PEDIDO
por Don Manuel de Leon Pres-
bitero Licencia para imprimir un
Escrito, cuyo titulo es, *Emma-
nuelis Leonis de Erroribus in re
Theologica malè postulati Defen-
sio*; y remitido de mi Orden à la
Censura de Sugetos de la mayor
Literatura de este Pueblo, y apro-
badose por ellos, concedo la Li-
cencia correspondiente para su Im-
presion, por no contenér cosa
con-

contra las buenas costumbres y
Regalias de S. M.

Dado en Málaga en qua-
tro dias del mes de Abril de
mil setecientos y noventa.

= De Arroyo.



Æ Stivâ cessatione ad fretum herculeum secessum aliquem vix tandem nactus, dum uterer, rumor allatus est, positiones quasdam, quas in collegij quondam palœstrâ rationum momentis firmaveram, oppugnatasque defendera m, nunc probationibus suis destitutas, neque satis fidé transcriptas ad aliarum positionum calcem, quas rationibus suis utcumque munitas ex adversum infestus ille mihi prætenderat, ad graviores certos Theologos esse delatas; ab ijs post illius benigné laudatas, meas istas non commeritâ severitate perstrictas; indeque in vulgus editas, multorum manibus circumferri. Quod quorū acciperem, aut quā ille ratione suscepisset, satis decernere non poteram, nisi eō pertinere crederem, ut dum placitis placita componerentur,

tur, mea absurdā, sua simillima veri putarentur, et illa tandem mea, imprudente me, à Censoribus opprimerentur, quæ ille in congreſſione ipsā malè confutata, ne leviter quidem commovere potuit, cūm totis viribus nissus esſet convellere.

Quā in re, quamquam illum, dum justo certamine victus inopinantem turpiter aggreditur, majorem laudi suæ, quām doctrinæ meæ fœdo incœpto plagam intulisse viderem: namque induciarum fide, et tempore quiescenti negotium facessere, absentique clām periculum creare, neque generosi, neque temperantis, neque humani hostis officium est; tamen rem omnem, ut acta est, quam diù memoria tenere non poterat, litteris mandare visum est, id mihi in animo reputanti: quoquō versus tandem res evaderet, utcumque, et ubicumque instructuū me, paramumque inveniret: Si (ut est hominis ingenium unius tantum disciplinæ magistros nacti, eamque quam altè, tempori serviens, imbabit, sacro-sancti loco dogmatis habentis, nec quemquam ali-

aliter sentire ferentis) diem mihi apud hæreticæ pravitatis judices diceret; tunc, quid ego statuissem, quo sensu, quibus fultus rationibus, in promptu esset, unde memorarem, atque idoneis testibus ijsdem fere verbis, quibus audierant, in memoriam redigerem. Sin minus, scripta res schedâ suâ premeretur, et apud me perpetuō maneret.

Ita parvi operis volumine perfecto, dum nihil de consilio muto, multi rusticando teruntur dies, in quibus nihil jam ista curanti incidit mihi desiderium, ut Patriam viserem. Ne multa, venio: palam fit: accurvunt amici, quos benè multos in delicijs habueram: gestiunt, resalutant: multa de fortunis, multa de studiorum conditione rogant: præ cæteris unus, et amplitudine, et dignitate, et multâ rerum cognitione facile Princeps, qui me impensé coluerat, meisque semper rebus benè consultum esse cupierat, quid tu, inquit, huc insolens? Quid ita dudum conti-
cuisti? Nihil nè latinè? tunc ego, nihil sanè, inquam, nisi unam hanc laceratus injuriâ defen-
sio-

sionem, quam mecum forté, dum sarcinulam colligerem, interpolatam domo tuli: ellam, si vis. Ego veró, inquit, valdè tuā causā volo: cedo: sumit in manus, legit, perlegit, laudat, amicis item legendam dat.

Tùm uno ore omnes, ut prælo mandetur, auctores sunt. Negare ego primó, auctoris nomen refugere, pluraque, quæ secutura essent, incommoda prætendere; illi contrà, rem esse pulchram, honestam, factu dignam: principiō, quia falsæ doctrinæ insimulatum, maximè magistrum, tacere, non modestiæ genus, sed confessi criminis est. Deinde, hoc in re commodi; ut cùm quas ille Sententias acerbissimis convitijs prosecutus sit, et damnationi prætenderit, quarum item gratiâ malè me habere cæperit, sapientum plausu, judece probante, nullo refellente, lucem viderit aspexisse, tandem aliquando audere desinat, mittat jam Religionis obtentu omnes quo jure, quâque injuriâ in sua sensa pertrahere, abnuentes discipulos malè mulcare, cæteros, quos mastigibus sæviendo non potest, contumelijs onerando detrudere.

Qui-

Quibus ego, non tam suadentibus acquiescens, quam jubentibus obsecutus, in prælum libellum mitto, imò verò euntem non revoco: verúm hoc mihi sumo; si quis ineptam, inconditam, et parvi momenti rem litteris publicè mandatam reprehenderit, eum non mihi, qui talibus viris obtemperaverim, sed ijs ipsis, qui jusserint, vitio esse daturum. Ego certè arrogantiæ criminè carebo.

Cùm igitur destinatâ die, ut moris est, quidam unus ex ijs, qui me utebantur magistro, positionem hanc coràm statuisset, in rebus fidei quicunque Judex Supremus sit, semper, et omnino infallibilem esse, dum definiat, neque ea, quæ ipse fideles universos docuerit, ab ullâ aut servatâ conditione, aut adhibitâ diligentia trahere certitudinem; atque eam positionem pro suo captu firmasset, ita exorsus sum.

Si quis fortè nos, qui ex locis Theologicis jam excessimus, ad eosdem locos redire criminî dederit, dum tale placitum probandum, defendendumque suscipimus, eum hominem id apud B se

se reputare vellim, nostri etiam muneris esse, qui gratiæ Divinæ, et libertatis humanæ defensores agimus, Summi Pontificis, Ecclesiæque visa contra refragantium Jansenistarum versutias tueri, quod fieri non potest, nisi dictam jam firmaverimus positionem.

Quamquam nèc hâc quidem animadversione opus erat; cùm Bertius ipse, quem sequimur Auctorem, eamdem ipsam hoc loci qnæstionem instituat. Id tamen fateor, occasionem me nactum avidè arripuisse, atque id etiam de meo ad ejus placitum addidisse, quod ipse non quidem negat, sed nec omnino dicit: scilicet, cuicumque demùm Christus Dominus Spiritus sui afflatum, et summam docendi auctoritatem, et in pronuntiando infallibilitatem asseruerit, ita omnino, et absolutè asseruisse, ut nullus unquam relinquatur dubitandi locus, ubi ille pronuntiaverit, et ita se rem habere, et ritè eum, et ordine pronuntiasse.

Itaque omnibus modis tenendum existimo, aut nullatenus necessarium esse, ut mature expen-

penderit, ut bono animo rem gerat, ut bene consularit, ut liber, et benè affectus sit; aut, si hæc necessaria sunt, nunquam quicquam eventurum quin adsint, dum pronuntiet: proinde conditiones, aut nullas esse, aut omnino nugatorié superinduci.

Et hanc quidem existimo breviorem viam, et digniorem homine catholico sententiam, et expeditioren rationem, quâ audacissimi, et argutissimi Jansenistæ, Appellantes, cæteræque Galliarum pestes profligentur.

Nam quid attinet, quæso, disputare, num Innocentius, et Alexander Pontifices solo invidorum hominum rumore ducti, num adhibitâ diligentia, Jansenij placita damnaverint? Num maximis negotijs, et illis quidem Sæcularibus, impliciti prolixam, et prolixi libri lectionem posthabuerint? Num, ut doctrina damnaretur, illi factiosi homines auctores fuerint, quibus omnia præter sua placita hæretica sunt? Num eis Pontifices, præter quām justum est, dediti fuerint? Quæ quidem quæstiones, si mihi discutiendæ sint, ut ipsorum definitionibus acquiescam, et non ore

tenus, et obsequioso silentio, sed totā mente adhæream, priùs vitâ excessero, quām ad exitum eas possim perducere; non modō quia molestissimæ illæ sunt, verūm quia non mihi prouum est, quid in Principum penetralibus, quid in politicorum recessibus, quid in consultorum agatur scrinijs: quānam eorum studia, quæ odia, ut in negotio se gesserint, invenire.

Quam sanè disputandi rationem qui suscipit, quām magnum, et audax consilium suscipiat, non satis, quantum ego capio, perspexit: is enim hereticis, refractarijsque sanctissima, et irrefragabilia Ecclesiæ, Sedisque Apostolicæ judicia declinandi, eludendique latissimam mihi videtur dedisse viam. Quid enim cupiant callidissimi homines, nisi in illos te anfractus conjectisse, unde neque te expedire, neque in apertum rem trahere, neque illos unquam possis revincere, qui se de Principum virorum technis, tricisque præ cæteris doctos esse (et fortè verè) jactant? Quid cum illis agas, qui tibi respondeant, se eousque credere detrectare, donec sibi compertum sit,

om-

omnibus illis conditionibus, quæ non facile inter-
fuisse ostenduntur, rem esse transactam, nihil ex
ijs desideratum? Quid tu ipse in obortâ novi
dogmatis disputatione credas, si ea accedere
debent, ut vel Pontifex, vel Ecclesia fidem fa-
ciant, quæ tu accessisse non potes invenire? In-
certus animi per tempora pendebis; cùmque ubi
pedem figere possis, non inveneris, nec arcam,
cui te committas, habebis.

Age verò: sint ista necessaria: sint utique ser-
vandæ leges, præter quas non idem Ecclesiæ,
quod Spiritui Sancto visum sit: jam rem sacro-
sanctam, et planè Divinam humani judicij feceris,
ad humanasque disputationes devolveris, et qui-
dem inextricabiles: etsi enim dubium esse non
possit, id verum esse, quod infallibilis Judex,
servatis servandis decreverit; in disputatione
tamen relinquitur, num servanda servata
sint. In quâ quidem disputatione, cùm plu-
rima hinc inde trahantur, neque res possint esse
perspicua, utpote in obscuro, et intra domesti-
cos parientes actæ, scilicet studium vel socordia,
insi-

insidiæ, persuasiones subdolæ, promissa, alia de-
nique legibus illis adversa, longo insuper terra-
rum interjectu dissita, diversis diversa circa Pa-
pæ, aut Patrum acta nuntiantibus, res tandem
tota in hominum opinione posita est, in incerto-
que versatur.

Jam, quis altercationem istam aptus erit,
qui dirimat, nè semper in incerto sit? Tu ipse
varijs nuntiorum rumoribus tractus? Aut probus
homo, cujus sinceritati fidas, narranti credas?
Pudet, Ecclesiâ, Papâque rejectis, judicem homi-
nem constituere. Ecclesia ipsa? Atqui de quâ
dubites, an ritè, et ordine decreverit, dubitare
etiamnum potes, an de his ritè, et ordine
decernat; et eò maximè, quòd num Patres, aut
Patrum Pater minis deterriti, fraudibus decepti,
illecti promissis, somno, et socordiâ obruti fue-
rint, facta sunt personalia, circa quæ tûm Papam,
tûm Ecclesiam erroribus obnoxios esse, passim
audimus.

At verò quicumque ista dicis, qui credere
potes dixisse Christum Dominum lucernam se
ac-

accendisē, neque sub modio, sed supra candelabrum statuisse, ut qui Ecclesiam ingrediuntur, lumen videant? An non est lumen sub modio, quod tantā mihi attractatione quārendum est? Quid item mihi prodest, Ecclesiam civitatem esse supra montem positam, quæ non possit abscondi, si etiam postquam videro; quid illa per Spiritum Sanctum doceat, solā illius voce discere non possum, nisi prius, unde nescio, didicero ratione illam, et viā tradidisse doctrinam? Quod quidem, aut non sine labore maximo, aut omnino non discere possum. Certè non satis mihi Optimus ille Pater providit, si se cum Summo Ecclesiæ Pastore, Patribusque usque ad consummationem sœculi futurum esse promissit, tantummodo ut hoc, aut illo pacto se gerant in docendo, scilicet, anxiè quārendo de molestissimis rebus eam vitam conteram, quam placidè credens, et erga sola bona opera sollicitus ducere jussus sum.

At enim, inquies, necessaria sunt ista, sed ubi Ecclesia pronuntiaverit, ea affuisse omnia cre-

credendum est: non enim secūs evenire sinere potest, qui se cum illā semper dixit esse futurum. Atqui tūm nugatorias omnino leges, et conditiones fers: quid enim attinet dicere infallibilem esse Ecclesiam, modò hæc, et illa accedant, quæ non accedere non possunt?

Jam verò quis ignoret Patrum nostrorum memoriā Lutheranos, Calvinianosque homines Sacrosanctæ illius OEcumenicæ Synodi sanctiones eo nomine elusisse, quòd dicerent Tridentinam Urbem in Cœsaris ditione positam esse, hominis toto orbe potentissimi, sibique ob Hassianum, et Saxonem Principes concitatos hostis infensissimi, qui suo etiam nomine odisset Lutheranos, quemque omnes illuc congregati maximè verecentur, imo cuius maximè cogerentur impulsibus: ex Tridentinis Patribus quosdam sibi compertos esse inimicorum Principum obsequio mancipatos, quosdam Pontificis servos, quosdam Jesuitarum placitis venditos, cæteros in unius Thomæ verba juratos; plures ab Hispaniæ, plures à Galliæ Regum Oratoribus, Legatisque corruptos, ad eorum nu-

nuntum dicere, ac facere omnia; unumquemque de suis, et suæ nationis commodis laborare, omnes, quæ sua esent, non quæ Jesu Christi, querere; Bojohemos Patres Germanos, utrosque Hispanos convenisse, quos scirent universos pro auctoritate Papæ super Concilium stare, eisque promisisse se in ejus rei definitionem cum illis ituros, modò ut ipsi secum sacrosancti calicis usum Bojohemis populis, quibus maximè cuperent, concedendum esse sentirent: Gallis Patribus id consilij clam agitari suboluise, seseque omnes è Synodo abituros, minitatos esse. Ferè omnes de reformatione quam primùm agi velle: Italos, nè Papæ noceretur, refugere, diemque ex die ducere. Omnia sic clamdestinis coetibus, omnia turbulenter geri: ita neque liberis corporibus, neque mentibus, prœcujusque studio, non pro Spiritus Sancti illuminatione ^{rem} esse transactam, ijsque legibus obviām itum, quas ad infallibilitatem Concilij contendit, esse necessarias. Neque de exceptionis ejusmodi falsitate convinci unquam potuerunt,

cùm ex his vel plura Pallavicinus ipse Concilij vindex fateatur.

Quid, quod nostrâ etiam memoriâ Quesnellus, eique similes turbulenti homines ijsdem exceptionibus Ecclesiam Dei fatigarunt, et usque fatigant, Romanum Pontificem causantes certis factiosis hominibus deferentem, tûm in Jansenii, tûm in sua ipsorum scripta scœviisse, cæterosque Episcopos, indiscretâ infallibilitatis opinione ductos, injustæ, et maleconsultæ damnationi suffragasse? Et quidem ita causantes, ut redargui non posse videantur: si enim per vos factiosi illi homines, et minis, et calliditate, et eâ, quâ pollebant, apud omnes Principes gratiâ, ita obrepere, et facere potuerunt, ut proximè post diligentissimam disquisitionem damnanda doctrina, imò jam, et judicio, et scriptâ sententiâ damnata, non damnaretur, quî facere etiam non potuerint, ut dñmnaretur non damnanda?

Quas omnes cavillationes, nisi uno verbo sustulerimus, scilicet, ubi ab imfallibili judice pro-

pronuntiatum sit, ritè, et ordine semper pro-
pronuntiatum esse, neque locum aliquem de ta-
libus conditionibus disserendi relinquimus
quam effecerimus; ut obstructum sit os loquen-
tium iniqua.

Sed neque ab ejusmodi incommodo totam
assertæ rei petimus rationem: habemus enim
Domini verba Salvatoris, qui, ut certos nos
redderet, cui fidere, cui credere deberemus,
atque certum Pastorem pusilli gregis sui una-
quaque ovis agnosceret, omnino indiscretè pro-
nuntiavit: *qui vos audit, me audit; si Eccle-
siam non audierit, sit tibi, sicut Ethnicus; pas-
ce oves meas; duc in altum; tu es Petrus;*
cæteraque similia: nec enim dixit, sit sicut
Ethnicus, qui Ecclesiam, hæc, et illa in do-
cendo servantem, non audierit; qui vos rectè,
et ordine, postque maturam rei investigationem
docentes audit, me audit: scilicet, voluit nos
à prolixis, anxijsque disquisitionibus absolvere,
certosque facere, quoquo modo id fiat, et bonis
semper pascuis, quamquam ab indiligenti Pas-
C 2 tore,

tore, usuros, et veris doctrinis, quamqam ab incuriosis Magistris, esse docendos: idque ad se recepit, in medio eorum futurum se promittens usque ad consummationem sæculi.

Quid igitur? Poterunt nè Ecclesiæ Præsules, poterit Summus Pastor, quid adstruant, negligere? quod primùm in mentem venerit, loqui? studio partium in definiendo duci? Facere nè possint, nescio: id scio, eos, si fecerint, non quidem sine crimine, sed vera semper esse dicturos: Deum quidem tentabunt, sed Deus suo verbo tenebitur.

An verò indignum non est, sic Deum ab homine teneri, ut verba sua, et oracula reddat? Imò indignum non est, se ipsum, nedùm verba sua, teneri in sacrilegi manus hominis tradere, et ab ijs in diaboli etiam manus, et ad beneficia venire. Ex quo quidem sic argumentari gestio, et, nisi mea me fallunt, efficaciter.

Eò enim quòd Christus absolutè dixit, *hoc facite in meam commemorationem*, omnino habemus, Sacerdotem, etsi pessimè affectum, etsi tur-

turpissimo animo, etsi alieno loco verba illa di-
vina proferentem, consecrare; scilicet, ne si ejus-
modi consecratio non nisi certis legibus, decen-
tibus conditionibus, et congruis, post præviam
orationem perficeretur, circa adorationem anxij,
de Christi præsentia dubij redderemur, satis nè
benè se gesisset Sacerdos, ignorantes. Atqui de
fide non minùs certos esse opportet; quæstio-
nes de circumstantijs illis difficiliores: cur ergo
indignum sit asserere, Dominum, ut me secu-
rum redderet, obstringi se suo verbo voluisse,
veram doctrinam in os fundere etiam malè
utentis Magistri, quem ipse me Dominus audi-
re jussit, cùm indignum non sit, ad sacrilegi
hominis nutum, non jam oracula reddere, sed
semetipsum obstrictum esse tradere?

Cùm ergo utrumque Dominus sine discre-
tione promiserit, illud autem de doctrinâ pres-
siùs, et majorem vim habentibus verbis, quâ
ratione ducti, ejus arctare verba voluerimus?
Cur, quas ipse conditiones nec indicavit, verbis
illius addere? scilicet, ut anxij fideles, auda-
cio-

ciores refractarij in ejusmodi conditionibus expendendis efficiantur. Hæc ego.

Sed ille, cujus magis erat concertationi præesse, quām se disputationi miscére, clamoribus ad raucitatem usque sublatis, quis tu, inquit, qui Ecclesiam Christi irrationabilium more se in docendo gerere posse adstruis? Ego enim Ecclesiæ ita decernenti non credarem, non acquiescerem, si absque diligentí indagatione, Scripturis, traditione, Patribus non consultis, temerè de fide statuisse scirem: non enim Dei Ecclesiam, sed fatuorum cætum esse judicarem; neque enim Sancti Spiritus organa hominum ora esse ~~non~~ possunt malè peccantium, temerè se parantium, sine ratione loquentium.

Tunc ego, paccatiū ista, inquam, neque enim is ego sum, qui Ecclesiam Dei dicam temerè posse statuere; ille potius dixerit, qui conditiones in decernendo servandas fert, præter quas nullam apud se fidem habituram esse contendit. In quā re quis cui præstet, prouum est videre: ego enim ita apud me didici, ut Ec-

Ecclesiam me docentem obaudiam, nusquam
 mecum reputans, neque rationem iniens, num,
 quæ me docet, satis mature perspexerit, seque,
 ut per illam Spiritus Dei loquatur, bene com-
 paraverit: aut enim nihil ex his necessarium est,
 aut necessarium si sit, ab ejus definitione abes-
 se non potest: proinde officiosi filij non est de-
 servato, aut non servato à Matre ordine in do-
 cendo, præcipiendovè, ferre judicium. Tu verò
 ais: nisi viâ, et ratione se gerat Ecclesia, nisi
 perpendat, nisi Scripturis, traditioni, antiquorum
 Patrum placitis innittatur, infallibilis non est,
 neque ei fidem adhibere teneor. Uter quaso in
 Ecclesiam temeritatem cadere posse innuit? Uter
 illam latenter insimulat? Ego, qui ab hac quæs-
 tione, *perpenderit, innittatur, necne, abstinentum*
censeo, planè nego, aut certè non statuo, ita
se malè posse gerere; tu, dum conditiones fers,
quibus nisi steterit, fidem non habet, non
omnino dicis, sed quod dicis, idem valet:
nisi enim Iudas, illis non stare aliquando posse
fateris.

Quem

Quem locum diutius urgebo ex eo etiam,
 quod ajebas, Ecclesiæ te absque diligentí inda-
 gatione loquenti non crediturum, propterea quòd
 ita se gerentem Christi Ecclesiam non esse ju-
 dicares: si enim ita evenire potest, ut se ge-
 rat, evenire per te potest, ut deficiat, utque
 Christus cum illâ non sit omnibus diebus: Sin
 autem; quid attinet tanto apparatu tantam con-
 ditionum vim docere, suadere, necessarias ads-
 truere, pro ijs tam acriter pugnare, nihilque
 illas curantem, et ab earum indagatione fideles
 absolventem, quasi profanum hominem falsa do-
 centem arguere? Quod ut ad satietatem usque
 capias, id demum cogites, in sacrosanctis Eccle-
 siæ cætibus plures esse Episcopos recta sapientes,
 plures ex adverso, indoctos non paucos, aliquos
 etiam subdolos, neque veritatis rationem haben-
 tes, quorum omnium in decernendo sententiæ
 audiri, neque pendi, sed numerari consueverunt,
 eaque, quæ statuerint, non quæ potiora videntur,
 sed quæ plura sunt suffragia, stata esse cre-
 duntur: ex quo planè conficitur, evenire posse,
 ut

ut indiligentes, ut ignari, ut male affecti, ut qui per contentionem Cristum annuntiant, cæteris ex æquo dissidentibus, decernant.

Jam vero, quod contendebas, male se gerentium hominum ora Spiritus Sancti organa esse non posse, id quasi cœleste quoddam effatum quam maximo clamore totis faucibus intonuisti; ego vero totis viribus contenderim, numquam quicquam dictum esse delirius, magisque Scripturis adversum. Quid enim reprobi illi, qui in extremâ die Christo Domino dicent in ejus nomine prophetasse? Quid Caiphas ille hominum homo impijssimus, qui Christum pro gente mori opportere, non à semetipso dixit, sed, cum esset Pontifex anni illius, prophetavit? Quid pessimus Balaam, ut de illius asinâ taceam, cui, cum prophetatum iret, insedebat? Sed, cum nihil ex his, multum illo reclamante, conficeretur, multo consumpto die, conturbatis tandem animis, discessum est.

Sed neque dissimilis fuit, neque alium habuit exitum altera de peccati originalis constitu-

tutione concertatio, nisi quod infestiori, conci-
tationique animo suscepit; quid ego statuerem,
numquam satis perspiciens. Ita enim posueram,
peccatum originale in eâ, quæ fuit, hodieque
est, conditione naturæ in superiora elevatæ, in
privatione Divinæ gratiæ partim positum esse.
Cùm autem non contemnendis Auctoribus placeat
(rectè, secùsne, non est hujus temporis dispu-
tare) ita potuisse condi naturam, ut ad Sum-
mæ Deitatis nec participationem, nec fruitionem
destinaretur, possetque etiam tunc à rectâ ratio-
ne deficere, suumque Conditorem offendere, alia
sanè quærenda esset peccati constitutio, quæ
tunc in gratiæ privatione non esset. At vero
omnis rei constitutio ea esse debet, ut in illam
semper quocumque eventu, quâcumque rerum
conditione conveniat. Hujus autem modi consti-
tutio peccati originalis, quod instar habitualium
est, in quâdam existimatione morali, quâ homo
Dei inimicus, divinoque dignus odio censeatur,
videtur esse ponenda.

Quod quidem eo maximè suadetur, quod
ami-

amicitiæ, inimicitiæ, affinitates, cæteraque similia, dum ineuntur, in ijs, quibus ineuntur, actionibus posita sunt; postea verò, dum contrà itum non fuerit, manere censentur: ita quòd in actu actiones ipsas, in habitu verò, vel quasi statu (quem potius habitudinem dixerimus) nihil rei, sed morale quoddam habent, quo inimici, amici, affines existimantur esse, qui egére, habentur, vocanturque, et verè sunt. Sed quod ad amicitiam attinet, inter Divinam, humanamque interest, quod humana nil præter morale sit; Divina verò positivam gratiam, animæ qualitatem, quæ aliquid entis sit, et quidem supernaturale, habet. Quod autem ad inimicitiam, cùm neque supernaturale quiddam, neque qualitas divina, aut divinitùs data, id esse possit, quod animam deturpet, dedecoret, nequam, odibilemque reddat, inter humanam, divinamque convenit, quod nihil rei, sed existimationem moralem, sive esse solum in genere moris habeat, quo dignus odio censeatur, et sit, quisquis à Deo defecit, nec poenituit.

D 2

Quod

Quod enim ajunt quidam, quamdam esse maculam, deformitatemvè, in animam cum turpi actione contractam, omnino i n intelligibile est, nisi negativum, moraleque sit, quod ijs nominibus subesse volunt: quid enim positivum malum esse, aut malum reddere possit habentem? Quam item causam habere effectricem? spirituale id, an corporale sit? Quomodò verò in amicitiæ conciliatione desinat? Corruptione? Exinanitione? Quo agente? Quâ vi?

Jam verò æterni damni reatus, in quo ejusmodi peccati constitutionem alij ponut, peccati poëna, non peccatum ipsum esse videtur: neque item rei constitutio ea tenenda est, quæ ei abesse potest: quid enim, si nollet Deus id supplicij peccato constituere? Quibus item rationibus à peccati constitutione concupiscentia, cæteraque peccati magis effectus, quam peccata, arcenda sunt. Plura adhuc, quæ memoriâ exciderunt, rationum momenta produxi; ex quibus, si non planè confectum, satis simile veri, quod posui, placitum visum est.

Vix

Vix tamen finem dicendi feceram, cùm
 surgens ille, cuius non erant partes, quæ in ad-
 versum meditatus venerat, citato ore fundere
 occepit; at quām inclementer, operæ pretium
 est considerare: scilicet, videris mihi, inquit,
 Sacerdos ille detestandus, qui miserum à latro-
 nibus cæsum, semianimemque relictum, visum
 præterivit, quasi nil opis egentem: et valde
 quidem inducor, ut illo te signari credam: nam
 sicut semivivo illo genus humanum originali-
 tabo infectum, latronibus dæmones exprimuntur,
 ita impio illo Sacerdote, qui miserandi vicem
 non doluit, tu exprimeris, qui peccatum illud,
 qui lœtale vulnus, qui plagas sanie manantes
 pro nihilo ducis, in nihilo ponis, in existima-
 tione dicis esse constitutas, quasi vernaculo nos-
 tro sermone dicamus, es una aprehension: id
 enim inimicum Dei censerī, id existimari sig-
 nificat. Quis autem ita docentem ferat? Scilicet,
 jocularium malum illud sit, opinioneque tenus
 ægrotus, cui nisi Christi Sanguine mederi non
 potuit. Praclarum etiam Magistrum habeamus,
 qui

qui lacrymabile illud totius nostri generis excidium existimationem quamdam esse, discipulorum animis propinet, quorum illud oculis, ut sordidissimam, flendam, detestandam luem, furiales perpetuò ignes, vesanamque cupidinem mentibus inspirantem, atrioribusque adhuc, si qui sunt, coloribus pingere debuerat. Tum Patrum aliquot sententijs in medium adductis, quibus peccati hujus gravitas declaratur, maximè verò Evangelij loco, quo, quasi maximum Agni Dei decus, commendatur, quod peccatum mundi substulerit, acriori zelo (āno iracundia?) inflammatus, et in voces, quām maximas poterat, insurgens, in concionem versus, atqui sciant omnes, inquit, esse īre verā peccatum originale, maximum item esse malum, in quæ verba, quasi spiritu deficiente, conticuit.

Quem ego ingruentem turbinem, duriori etiam verborum grandine səvientem, cùm bono animo utcumque protectus accepissem; quoniam item apud Supremum Judicem, de male imbutis falso dogmate discipulis, extrellum mihi diem

dixerat, ita pro tempore dicere aggressus sum.

Si nullius criminis præter hanc doctrinam agor, nil moræ est, quin alacer, vel hodie, pavendum illud omnibus judicium subeam, nil Sacerdotis illius sortem timens, cui me, et quidem clementer, si superis placet, componere instituisti. Nam neque ille damnatur, quod non statim mala multa in miseri illius tabescientis faciem ingesserit; sed quod, illo contempto, nil ferens auxilij, viam prætergressus sit. Silicet, ad morientis illius aures durus auxiliator si accedesisset, atque (id quod in me requiris) hunc cum eo sermonem instituisset, scias te miserimum, spoliatum, nudum, latalibus saucium vulneribus, semianimem hic jacere; quid istuc? Quod hoc genus est? (miserandus ille dixisset) mitte ista; si quid in te opis est, confer; iumento impone tuo, duc in stabulum; mei cura ut habeatur, fac; cætera, potius abito.

Jam verò, num ego importunum illud in loco neglexerim, necessaria ista præstiterim; cum sci-

scilicet cæsum aliquem, non quidem à latronibus, sed à pio Sacerdote non benè, neque secundum scientiam librato zeli gladio, atque in infestioris, quam originale, peccati profundamersum, non sine plagis etiam mihi impositis, amplexus suscitavi, restitui, in saniora consilia, melioremque mentem adduxi, est hic, cui non est commodum disputare.

Ast ego diram illam pestem nihil esse, pro nihilo ducendam, in nihilo positam esse statui. Invidiosè istud, et parùm sincerè, aut sanè pravè acceptum dicitur. Aliud enim est nihil, aliud nihili esse: postremùm hoc est nihil referre, contemnendum, nullius esse momenti: quod, numquam ita desipui, ut de originali labe dicerem; nec sine injuriâ, et quidem non ferendâ, hæresis ista in me conferri potest, quam certè in me contulisti, cùm ad extremum orationis tuæ, quasi ab errore concionem totam revocans, atque à me discipulos abducens, non te clamare piguit, *atqui sciant omnes re verâ esse peccatum originale, maximum item esse malum.*

Iam. In quæ verba non ego Deum vindicem, quod tu; sed Deum deprecor, et mihi, et tibi maturius misericordem fieri.

Jam, ad rem ut redeam; hoc est nihil esse; nihil autem esse, aliud est toto cœlo diversum, scilicet, nullam rem, non substantiam, non qualitatem, non aliquid rei esse, in negatione poni, in negativo constitui: quod tantum abest, ut de peccato habituali (cujusmodi est originale) incommodum sit dicere, ut id ipsum etiam de actualis peccati malitiâ, quæ pessimum pessima est, et à quâ tota est habitualis peccati lues, dicant saniores, et fortè omnes Theologi: ferè enim in moralibus ita comparatum est, ut maximi sit ponderis, bonitatis, malitiæ, quod minimum in rebus, aut certè nihil est; propterea quòd moralia non rem, sed existimationem habent, existimatione constant, existimatione pensantur.

Quod autem simplici sermone tradidi, non crepantibus verbis iudi, non atris coloribus depinxi, id si peccatum est, Theologis etiam omni-

nibus succenseas, opportet, qui peccatum frigidè definiunt, dictum, factum, vel concupitum contra Dei legem; non autem ≡

Monstrum horrendum, informe, ingens, cui lumen ademptum.

Scilicet, non idem Theologi ex cathedrā, quod Oratoris pro rostris est officium, nisi vis Contensonios, Concinas, declamatores omnes nos esse.

Illud autem pejus est, quod existimationem moralem alienissimo à me sensu accepisti pro cuiusque existimantis judicio: an ut in majorem invidiam me vocares? Quasi in hominis, etiam inepti, mentem venire possit existimationem illam ipsam, quā quis ob admissa scelera odio dignus habetur, peccatum esse, quæ rationi optimè consonat. Existimatio^{ergo} ista moralis, ut jam tandem minus latinè dicam, quó melius fortè capiar, non existimatio formalis, seu actus existimantis est, sed illud esse, cuius ratione existimatio habetur, quodque rursus existimatione significatur: quod quidem quasi esse, nihil entis ha-

habens, et morale, existimationem objectivam, qui volet, dicat, per me licet.

Id autem ego appositorum *objectivi* adhibendum non censui, primum, ut incondito verbo abstinerem, deinde, quia adjecto illo *moralis*, quid significari vellem, primum erat intelligere; tum quia vel unius diei dialecticum sensus iste fallere non posset. Sic, ex quo Scholasticis placuit rationes rerum conceptus appellare, quisquis conceptum animalis huic, vel illi rei aptari, aut non aptari audit, vel non apposito *objectivi* nomine, rem ipsam, non mentis perceptionem intelligit; nec, nisi sit plumbeus ipse, aut plumbeum credat asserentem, animalis rationem in animi cogitatione poni, usquam judicaverit. Quid, quod originale peccatum, ut hodie sunt res, in gratiae me etiam privatione posuisse, omnino taces, quod unum totam disputationis tuae vim elidit?


Plura volentem, majoraque dicere parantem hora cohibuit, quae infoeliciter susceptae disputationi finem imposuit.


Hac ego, uti memoriam tenebam, litteris manda-
vi, non quo in meam quemquam sententiam
inlicerem, cuius nullum mihi studium est, sed
quo non ita incommoda, absurdaque ea appa-
rerent esse, quae docui, maleque in me confla-
tam invidiam, qua parte possem, restinguere.
Rem autem ita esse transactam, omnes ex omni-
bus ordinibus, qui interfuererunt, scholares querenti
fidem facere possunt. □











A
L 46 m
1790